

## 17.25 CUNTRASTS SIN SRF 1

---

### Tut il bun!



Mintgina e mintgin da nus ha l'onur be ina giada l'onn: da festivar anniversari. Ina buna raschun per «Cuntrasts» da render onur a quest di spezial. Ina turta survegn la Lia Rumantscha, l'uniun tetgala dals Rumantschs che po festivar quest onn ses 100avel anniversari. Tge giavischan ils giuvens da la Lia giubilara? Forsa giavischassan els ina detga party, sco quella che geniturs èn ozendi bunamain sfurzads dad organisar per lur uffants. Datti in boom da partys d'uffants a l'americana er en il Grischun? En mintga cas ina bella turta d'anniversari survegn la famiglia Ratti da Madulain – là han numnadamain la nona, il bab ed ils dus schumellins da 3 onns exact il medem di anniversari. En ils «Cuntrasts» datti uschia anniversaris da 3 enfin 100 onns. A tuttas e tuts: Tut il bel e bun!